

Dilecti filij salutem, et apostolicam benedictionem, fidei constantia, et sincere deuotionis affectus, quibus uos in nostro et apostolica sedis conspectu predictos esse cognouimus, nos inducunt, ut petitiones uestras quantum cum Deo possumus, ad exauditionis gratiam admittamus. Sane nobis nuper exponi fecisti uobis uana, et diuersa priuilegia, immunitates, et gratias per diuersos Romanos Pontifices predecessores nostros, et sedem predictam per suas in forma breuis, et sub plumbo litteras, seu alias super uarijs, et diuersis rebus, et occurrentibus negotijs, concessas, confirmatas, et innouatas, ac concessas, confirmatas, et innouatas fuisse, Comunitatemq; uestram et uestrum regimen, pro eius ipsiusq; ciuium incolarum, et habitatorum tranquillo statu, et commoditate uaria, et diuersa statuta, constitutiones, ordinationes, decreta, et reformationes ordinari, statuiri, et condidisse, et etiam per diuersos Romanos Pontifices, etiam predecessores nostros confirmata fuisse, Quare nobis humiliter supplicari fecisti, ut omnia, et singula priuilegia, immunitates, et gratias, necnon statuta, constitutiones, ordinationes, decreta, et reformationes huiusmodi, quo firmitus subsistant, sedis apostolicæ munimine roborari, aliasq; uobis in premissis opportune providere, de benignitate apostolica dignamur. Nos igitur uotis uestris benignè annuere uolentes, ac uos, et uestrum quemlibet, à quibus uis excommunicationis suspensionis, et interdicti, alijsq; Ecclesiasticis sententijs, censuris, et poenis à iure uel ab homine quauis occasione uel causa latis, si quibus quomodolibet innodati existitis, ad effectum presentium duntaxat consequendum harum seorsum absoluentis, et absolutus fore censuris, huiusmodi supplicationibus inclinati, omnia, et singula priuilegia, immunitates, et gratias uobis, et dicte Comunitati uestræ per quoscunq; Romanos Pontifices predecessores nostros, ac dictam sedem hæcenus quomodolibet concessas, et concessas, quatenus sint in usu, necnon statuta, constitutiones, ordinationes, decreta, et reformationes huiusmodi per Comunitatem uestram predictam uestrumq; regimen quomodolibet facta, et edita ac factas, et editas, licita tamen, et honesta, ac sacris canonibus non contraria, apostolica auctoritate tenore presentiam, confirmamus, et innouamus, concedimus, et indulgemus, presentisq; scripti patrocinio communimus, omnesq; et singulos, tam iurisq; facti defectus, si qui forsitan intruenerint in eisdem supplemus, illaq; omnia, et singula perpetuè, et inuiolabilis firmitatis robur obtinere decernimus. Mandantes modernis, et pro tempore existentibus, Prouincia nostre Marchie Anconitane Vicelegato, Gubernatori, Thesaurario, et cuiuslibet ipsorum Ministris, et officialibus, necnon Sanctæ Romanæ Ecclesiæ Camerario, Vicecamerario, Camera Apostolicæ Clericis, et generalibus Thesaurario, et Auditori, seu ipsius Camera quibusuis Commissarijs quatenus uos minime impediant, perturbent, uel inquietent, quinimmo uobis in premissis omnibus, et singulis faueant, et assistant, ac exequantur. Vosq; priuilegijs immunitatibus et gratijs huiusmodi alijsq; predictis, liberè, et licitè, uti, frui, et gaudere faciant, Contradictors, et inobedientis quoscunq; iuris et facti remedijs opportunis etiam cum auxilio brachij secularis compescendo. Sicq; per quoscunq; iudices, etiam causarum Palatii Apostolici Auditores, et Sanctæ Romanæ Ecclesiæ Cardinales, iudicari, et diffiniri debere, sublata eis quauis aliter iudicandi, et interpretandi facultate, et auctoritate, decernimus. Non obstant' premissis, ceterisq; contrarijs quibuscunq;. Dat. Roma apud Sanctum Petrum, sub annulo Piscatoris, die x. Aprilis. M. D. Lxxiij. Pont. Nostri Anno Primo.

Ca: Gregorius: ∞



